

UNITECH OFFSHORE AS
Espehaugen 25
5258 BLOMSTERDALEN

Vår dato: 09.09.2020
Vår ref.: 200800815-41
Arkiv: 511
Dykkar dato:
Dykkar ref.:

Sakshandsamar:
Thomas Mo Willig
22959377/tmwi@nve.no

Vedtak om forlengelse av konsesjon for Hywind demonstrasjonsanlegg (Hywind Demo) / Zefyros

Vi viser til søknad av 25.06.2020 frå UNITECH Offshore AS (UNITECH) om utvida anleggskonsesjon for den flytande vindturbinen Hywind Demo, nå omtalt som Zefyrosn frå 01.09.2020 til 01.09.2025.

Bakgrunn

Den opphavlege konsesjonen for Hywind Demo vart tildelt Equinor AS den 04.09.2006 med varigheit fram til 01.09.2015. Turbinen vart satt i drift i 2009. Den 08.04.2015 søkte Equinor AS om utvida konsesjonsperiode fram til 01.09.2020. NVE godkjente den utvida konsesjonsperiode 11.06.2015.

UNITECH overtok konsesjonen for Hywind Demo, nå omtalt som Zefyros, frå Equinor AS den 02.01.2019. I anleggskonsesjonen står det i vilkår 1. varigheit:

«Konsesjonen gjelder fra 01.02.2019 og inntil 01.09.2020.»

Søknad og høyring

UNITECH søker om å endra vilkår 1 i anleggskonsesjonen til:

«Konsesjonen gjelder fra 01.02.2019 og inntil 01.09.2025.»

NVE sendte søknaden på høyring 03.08.2020 med høyringsfrist 24.08.2020. Det kom inn to høyringsinnspel. NVE sendte høyringsinnspela til konsesjonæren for kommentar den 28.08.2020 og fekk svar 31.08.2020.

I sitt høyringsinnspel viser Fiskarlaget Vest til at det er aktivt krepsefiske i området. Dei viser vidare til at konsesjonen allereie er blitt forlenga ved tidlegare høve. Dei ser vidare ikkje noko grunnlag for å utvida konsesjonsperioden fordi den flytande vindturbinen har vore testa over svært mange år.

I sitt høyringsinnspel meiner Trond Hovda dei negative konsekvensane av forlenga konsesjonslengde er mykje større enn fordelane. Han meiner avskalling av expoxystøv visstnok er ganske mykje per turbin

E-post: nve@nve.no, Postboks 5091, Majorstuen, 0301 OSLO, Telefon: 22 95 95 95, Internett: www.nve.no

Org.nr.: NO 970 205 039 MVA Bankkonto: 7694 05 08971

Hovedkontor
Middelthunsgate 29
Postboks 5091, Majorstuen
0301 OSLO

Region Midt-Norge
Abels gate 9
7030 TRONDHEIM

Region Nord
Kongens gate 52-54
Capitolgården
8514 NARVIK

Region Sør
Anton Jenssensgate 7
Postboks 2124
3103 TØNSBERG

Region Vest
Naustdalsvegen. 1B
6800 FØRDE

Region Øst
Vangsveien 73
Postboks 4223
2307 HAMAR



per år, og at det forgiftar matfatet til alle som lev der. Han er også uroa for lydforureining og kva det kan betyr for kval.

I sine kommentarar til høyringsinnspela viser UNITECH til at forlenging av konsesjonen har stor verdi for norsk industri og eige selskap. Dei viser til at dei er ein del av eit nasjonalt testsenter, og at turbinen har ein viktig rolle som demonstrasjonsanlegg for ny teknologi som skal sikra kostnadseffektiv og miljøvennlege løysingar til flytande havvind.

UNITECH seier dei kan visa til mange prosjekt frå norske selskap som demonstrerer nye landgangar for auka tryggleik, dronar for mindre bruk av fartøy, nye miljøvennlege materialar og overvakingssystem for sikker drift og vedlikehald. Vidare skriv dei at det ikkje finst anna hensiktsmessig infrastruktur tilgjengeleg for å testa denne havvindteknologien.

UNITECH skriv at Zefyros er heilt avgjerande infrastruktur for test og demonstrasjon av ny teknologi innan sjøkablar, koplingar og oppheng. Vidare viser dei til at Zefyros sin tiltenkte rolle som ein hub slik at nye flytande havvindpilotar kan kopla seg opp til denne med ein kort kabel.

NVEs vurdering

NVE må vurdere om fordelane med å utvida anleggskonsesjonen med fem år overstig ulempene. I dei to høyringsinnspela er det vist til at turbinen har vore testa i mange år allereie og at den kan utgjera ein forureiningsfare ved å drifta den lenger.

NVE meiner desse ulempene er mindre enn fordelane av å ha ein flytande vindturbin relativt nært land som ein kan utføra ulike testar på dei neste fem åra. NVE legg avgjerande vekt på at framleis drift av Zefyros gjer det mogleg å testa ny teknologi for å gjera flytande havvind meir konkurransedyktig og potensielt kan skapa fleire norske arbeidsplassar innan havvind.

Andre forhold

NVE sendte ikkje søknaden til UNITECH ut på høyring før sumarferien. Det førte til at det ikkje var tilstrekkeleg tid frå høyringa var gjennomført til konsesjonsperioden gjekk ut. NVE innvilga dermed UNITECH ei mellombels driftsløyve fram til 20.09.2020 den 31.08.2020.

Ei eventuell utviding av Zefyros som hub for fleire flytande havvindpilotar må handsamast av NVE etter ein eigen søknad.

I anleggskonsesjonen omhandlar vilkår 3 nedlegging. NVE vil utvida dette punktet med at UNITECH innan 31.12.2020 må leggja fram forslag til korleis anlegget skal leggjast ned og korleis det skal finansierast.

NVEs vedtak

I medhald av energiloven § 3-1 gir NVE løyve til å forlenga konsesjonsperioden for Zefyros frå 01.09.2020 til 01.09.2025. Vidare vil NVE utvida villkår 3 til:

«Dersom konsesjonær ønsker å legge ned anlegget mens konsesjonen løper, skal det søkes NVE om dette. Nedleggelse kan ikke skje før vedtak om riving er fattet.

Ved nedlegging skal konsesjonær fjerne anlegget og tilbakeføre området til sin naturlige tilstand så langt det er mulig, jamfør energilovforskriften § 3-4 d.



Konsesjonæren skal oversende NVE et forslag til garantistillelse som sikrer kostnadsdekning for fjerning av anlegget og tilbakeføring av området og forslag til hvordan nedleggingen gjennomføres, jmfør energilovforskriften § 3-4 d innen 31.12.2020.»

Klagerett og orientering

Dette vedtaket kan påklagast, sjå informasjon om rett til å klaga på vedlagt klageark. UNITECH skal orientera aktuelle grunneigarar og andre rettshavarar om vedtaket, og informera dei om retten til å påklaga vedtaket. NVE skal ha kopi av UNITECH orientering av grunneigarane/rettshavarane.

Med helsing

Rune Flatby
direktør

Arne Olsen
seksjonssjef

Dokumentet vert sendt utan underskrift. Det er godkjent etter interne rutinar.

Vedlegg:

Kopi til:

Fiskarlaget Vest
Fiskeridirektoratet Region Vest
Fylkesmannen i Rogaland
HAUGALAND KRAFT NETT AS
Karmøy kommune
Rogaland fylkeskommune
TROND HOVDA



Orientering om rett til å klage

Kven kan klage på vedtaket?	Dersom du er part i saka, kan du klage på vedtaket. Du kan også klage på vedtaket dersom du har rettsleg klageinteresse i saka.
Kor skal du sende klaga?	Du må adressere klaga til Olje- og energidepartementet (OED), men sende den til NVE. NVEs e-postadresse er: nve@nve.no . NVE vurderer om vedtaket skal endrast. Dersom NVE ikkje endrer vedtaket, vil vi sende klaga til OED.
Frist for å klage	Fristen for å klage på vedtaket er tre veker frå den dagen vedtaket kom fram til deg. Dersom vedtaket ikkje har kome fram til deg, startar fristen å gå frå den dagen du fekk eller burde ha fått kjennskap til vedtaket. Det er tilstrekkeleg at du postlegger klaga før fristen går ut. Klaga kan ikkje handsamast dersom det har gått meir enn 1 år sidan NVE fatta vedtaket.
Du kan få grunngjeving for vedtaket	Dersom du har fått eit vedtak utan grunngjeving, kan du be NVE om å få ei grunngjeving. Du må be om grunngjevinga før klagefristen går ut.
Kva skal med i klaga?	Klaga bør vere skriftleg. I klaga må du: - Skrive kva for vedtak du klagar på. - Skrive kva for eit resultat du ynskjer. - Opplyse om du klagar innanfor fristen. - Underteikne klaga. Dersom du bruker ein fullmektig, kan fullmektigen underteikne klaga. I tillegg bør du grunngje klaga. Dette betyr at du bør forklare kvifor du meiner vedtaket er feil.
Du kan få sjå dokumenta i saka	Du har rett til å sjå dokumenta i saka, med mindre dokumenta er unnateke offentlegheit. Du kan ta kontakt med NVE for å få innsyn i saka.
Vilkår for å gå til domstolane	Dersom du meiner vedtaket er ugyldig, kan du gå til søksmål. Du kan berre gå til søksmål dersom du har klaga på NVEs vedtak, og klaga er avgjort av OED som overordna forvaltningsmyndigheit. Du kan likevel gå til søksmål dersom det har gått 6 månader sidan du sende klaga, og det ikkje skuldast forsøming frå di side at klaga ikkje er avgjort.
Sakskostnader	Dersom NVE eller OED endrer vedtaket til din føremon, kan du søkje om å få dekka vesentlege og naudsynlege kostnader. Du må søkje om dette innan 3 veker etter at klagevedtaket kom fram til deg.

Denne forklaringa byggjer på forvaltningslovas reglar i §§ 11, 18, 19, 24, 27 b, 28, 29, 31, 32 og 36.